



Broj: 01/24-02-864-2/22
Sarajevo, 27.04.2022. godine

Z A P I S N I K

s 23. sjednice Odbora za poljoprivredu, vodoprivredu i šumarstvo Predstavničkog doma Parlamenta Federacije BiH, održane 27.04.2022. godine.

Sjednica je počela s radom u 10:20 sati.

Sjednicom je predsjedao Ahmed Džubur, predsjednik Odbora.

Prisutni na sjednici: Ahmed Džubur, predsjednik Odbora; Alma Kratina, Mujo Hasić, Šemsudin Kavazović, Mile Atlagić, Senad Mašetić, Ilijana Dronjić i Stanko Musa, članovi Odbora.

Odsustvo su opravdali: Hamdija Abdić, Sanela Klarić i Majra Dautbegović.

Sjednici su, u svojstvu predstavnika predlagača i gostiju, također prisustvovali: Beščo Alibegović, Elma Kuldija i Nijaz Brković ispred Federalnog ministarstva poljoprivrede, vodoprivrede i šumarstva.

Nakon što je pozdravio članove Odbora i goste, predsjednik Odbora Ahmed Džubur konstatovao je da postoji kvorum za rad, a potom pročitao predloženi dnevni red 23. sjednice Odbora za poljoprivredu, vodoprivredu i šumarstvo Zastupnički doma Parlamenta Federacije BiH,.

DNEVNI RED

1. Usvajanje Zapisnika sa prethodne sjednice Odbora za poljoprivredu, vodoprivredu i šumarstvo Predstavničkog doma Parlamenta Federacije BiH;
2. Izjašnjavanje Odbora za poljoprivredu, vodoprivredu i šumarstvo o „Inicijativi“ gospodina Saladina Pleha, načelnika sektora kriminalističke policije Goražda za davanje autentičnog tumačenja Zakona o vodama FBiH;
3. Informacija o održavanju Javne prezentacije teksta Strategije poljoprivrede i ruralnog razvoja Federacije BiH 2021 -2027 godina u okviru konsultacija sa zainteresiranom javnosti; Informacija o Srednjoročnoj strategiji razvoja poljoprivrednog sektora u FBiH (2015-2019. godina - produžena do 2021.);
4. Razmatranje Molbe za „Tumačenje i pojašnjenje odredbi člana 38. Zakona o stočarstvu“ upućene od Kantonalne uprave za inspekcijske poslove KS;
5. Izjašnjavanje Odbora o inicijativi zastupnice Sanele Klarić;
6. Tekuća pitanja.

Ad-1.

Uz saglasnost članova Odbora na tačku br. 3. predsjednik Odbora je dodao Informaciju o Srednjoročnoj strategiji razvoja poljoprivrednog sektora u FBiH (2015-2019. godina - produžena do 2021.), te je predložio usvajanje Zapisnika sa 22. sjednice Odbora za poljoprivredu, vodoprivredu i šumarstvo Zastupnički doma Parlamenta Federacije BiH, održane 21.12.2021. godine. Zapisnik sa 22. sjednice Odbora usvojen je jednoglasno.

Ad-2.

Predsjednik Odbora je upoznao članove Odbora sa Inicijativom gospodina Saladina Pleha, načelnika sektora kriminalističke policije Goražda za davanje autentičnog tumačenja Zakona o vodama FBiH. Istakao je da je ovaj Zakon više puta razmatran na Odboru te da je ovog puta stiglo izjašnjenje Vlade FBiH. Elma Kuldija, iz sektora za vode Federalnog ministarstva za poljoprivredu, vodoprivredu i šumarstvo je potvrdila da je više puta predmet autentičnog tumačenja bio ovaj Zakon sa istim članovima te da je Ministarstvo poljoprivrede, vodoprivrede i šumarstva poslalo svoje mišljenje Vladi, koje je ista dostavila i Odboru za poljoprivredu.

Odbor je jednoglasno donio sljedeći:

ZAKLJUČAK

Odbor za poljoprivredu, vodoprivredu i šumarstvo prihvata mišljenje Vlade Federacije Bosne i Hercegovine na inicijativu za davanje autentičnog tumačenja Zakona o vodama koju je u parlamentarnu proceduru uputio Saladin Pleh, načelnik sektora kriminalističke policije Goražda.

Ad-3.

Predsjednik Odbora je upoznao i pozvao članove Odbora da prisustvuju Javnoj prezentaciji teksta Strategije poljoprivrede i ruralnog razvoja Federacije BiH 2021 -2027 godina u okviru konsultacija sa zainteresiranom javnosti; koja će se održati u četvrtak, 29.04.2022. na Ilidži, Zavod za poljoprivredu, na kojoj će članovi projektnog tima, odnosno osobe koje su zadužene za strategiju govoriti o osnovnim karakteristikama strategije. Odbor za poljoprivredu, vodoprivredu i šumarstvo prima na znanje Informaciju o Srednjoročnoj strategiji razvoja poljoprivrednog sektora u FBiH (2015-2019. godina - produžena do 2021.) i njenoj primjeni u 2022. Godini. Nijaz Brković je obrazložio razloge produžavanja aktuelne Srednjoročnoj strategiji razvoja poljoprivrednog sektora u FBiH.

Odbor je jednoglasno donio:

ZAKLJUČAK

Zadužuje se Vlada Federacije Bosne i Hercegovine da u parlamentarnu proceduru uputi Strategiju poljoprivrede do 2027.godine najkasnije u roku od 90 dana.

Ad-4.

Predsjednik Odbora je upoznao članove da su se Odboru i Federalnom Ministarstvu poljoprivrede, vodoprivrede i šumarstva obratili iz Ministarstva privrede Kantona Sarajevo iz sektora stočarstva, sa konkretnim zahtjevima vezanim za tumačenje člana 38. Zakona o stočarstvu. Predsjednik je istakao da je sa prisutnim predstavnikom Ministarstva, Bešćom Alibegovićem održao konsultacije, koji je potvrdio da će u najkraćem mogućem roku dati odgovor na molbu za tumačenje i pojašnjenje odredbi člana 39. Zakona o stočarstvu. Bešćo Alibegović je istakao da kantoni i općine trebaju da donesu odluku o držanju stoke. Donesene su određene odluke na nivou općina i kantona, koje nisu usaglašene.

Ad-5.

Predsjednik Odbora je istakao važnost inicijative koju je uputila zastupnica Sanela Klarić a koja se radi o ukidanju nameta za korištenje zemljišta u poljoprivredne svrhe za 2022. i 2023.godinu.

Ad-7.

O ovoj tački dnevnoga reda Odbor nije raspravljao, pa su inicijative, prijedlozi i informacije koje bi eventualno bile upućene Odboru ostavljene za raspravu na sljedećoj sjednici Odbora.

Sjednica Odbora završila je s radom u 10:30 sati.

PREDSJEDNIK ODBORA

Ahmed Džubur s.r.

